



解州全志序



紀事之書有史有志、雖史

之流別實史之根柢也史綜

一代之事非一人所能為志

則一方之書纂輯差易然欲

詳校盡善足傳不朽必得一

人為習於斯出而克勤其事

解州全志

序

一

有以洞悉乎人心風俗之原

而後考致激文刪疑訂信厥

有完書匪特視為記戶口供

徭役羨山川壯民物之典冊

而已也癸未秋余奉

命撫晉苗心文學諮詢故事適

解州言牧出所著志書以示

余本州志一屬縣四志者分  
其類而運城為鹺海之區別  
立專志共若干冊余披覽之  
而知言君於是書其力專其  
心苦矣夫解州為古郡地廣  
五百餘里非偏陬僻壤者比  
其間人民之衆財賦之充城

池井邑之固衣冠文物之華  
與夫商賈百貨之文會以及  
賢人碩士之嘉言懿行相沿  
已久習而弗察而記載缺略  
文致凋零言君恥之于是討  
舊聞詢耆老搜蠹簡剔殘碑  
凡覩記所及者涉于人心風

俗者必標舉而備錄之坊工  
付梓一成書而玉百紙非不  
能簡也以為彙故者惟恐其  
煩創造者惟恐其略志小邑  
不病於簡志都鄙不病其詳  
體因宜尔也若夫激引之奧  
博考證之精明令遊覽者可

以觀土風仕宦者可以知民  
隱作史者可以供採擇摘詞  
者可以資華藻斐然稱史裁  
焉吾觀晉土之伍恍然如睹  
唐魏之遺風異日徐通志而  
互覽之而故實皆可考者愈  
以思言君之成書不朽也視

他人以非工之作又無所遇  
而發之其屑々應用拘牽常  
格度量相越豈不遠耶今  
國家至治咸和肖翹得所郊圻  
封宇膏置仁壽之域而牧斯  
土者得以政治之餘脩舉廢  
墜與民共樂於太平全盛之  
會也猗歟佐哉  
乾隆歲次癸未仲冬撫晉使  
者長白和其衷撰



序

維雍正十有一年前撫使石公  
脩纂山西通志而郡縣志之  
漸次分脩予距石公幾三十年  
奉

命撫晉者再於通志尚未續纂而  
郡縣志屢飭有司精摺故實  
各勒成書以備考覈昭示來

解州全志

序

一

茲蓋惟郡縣地處一隅人與  
事習為守令者既得此邦之  
土地人民而治之而凡風俗山  
川事宜沿革固不瞭如指掌  
渡得一郡之文獻相與搜剔  
幽隱其為闕略必鮮况有通  
志以為徵信郡縣志之大要已  
若網在綱而凡記言記事考

鏡得失不益有所折衷乎解  
州隸晉西南離海在焉統轄  
四縣號稱雄郡言牧治解之  
明年歲在壬午余自西陲移節  
過解其士庶羣喜予之渡至  
予二樂觀此邦生齒之繁庶  
風俗之淳樸唐魏遺風至今  
未遠屬吏以舊志進歷久不

脩率皆繁蕪湯漣爰屬言  
牧留心編輯越期年言牧請  
定解州全志稿披覽之餘於  
舊志頗有增刪衷諸通志詳  
慎不支解地五十年來未脩  
之書分條合纂彙成全帙其  
裨益于地方者甚大仰惟我  
國家承平百有餘載禮樂明備

制度詳悉既慶民之幸生此時  
而為有司者得於簿書錢穀  
之餘蒐羅掌故鑒古證今勤  
求上理觀乎斯志宜何如惕  
厲也哉繼自今守令其畱心吏  
治各殫厥職解志雖脩舉之  
一端然使

盛矣典章名物燦然具列憲標

解州全志

序

三

乎人心風俗之大原

聖主稽古右文宏開館局旁搜博  
採因以釐職方而廣史乘素  
必非高深之一助當不徒後  
來通志續脩藉以徵信已也

大清乾隆二十八年歲在癸未仲  
夏之吉撫晉使者長白明德

書于太原官舍



昔紫陽朱子知南康軍事  
下車伊始即問志之有無  
蓋極重乎一邦之文獻而  
欲整理其踈缺也夫志書  
之作不獨紀一方之山川  
土田戶口賦稅使犂然可  
考而且闡係於風俗人心

甚大蓋一方之忠孝節義  
懿行嘉言凡流芳於後者  
莫不於志字載之使人覽  
而興起其為善之心焉則  
所係洵非淺鮮此朱子所  
以急為先務而後之蒞官  
出治者所宜法也迺使吏

以官為傳舍方視慘志為  
不急之迂務郡縣之志有  
歷數十年不修任其湯沸  
以至梨板零落卷帙糝糊  
幾於不可披閱則知為治  
而能留心風化裨益地方  
者蓋未易多得矣知解州

事言君為先賢言子喬孫  
有雋才長於吏治蒞解梁  
數年催科不擾編袴無訟  
卓然有政績可觀而君於  
地方事之闕風教者尤能  
加意振興解舊有志已歷  
年不修君慨然力為纂輯

於鳴琴退尔之暇手自屬  
稿搜羅放佚刪繁萃而補  
闕漏勤有成書將付之剞  
劂先以示余余展閱之餘  
愛其簡質有法且能多所  
釐正如冠以弁州以統於  
一而所屬四縣仍分志運

城亦別立專志蓋於全部  
中可分為六部以便檢閱  
既振裘挈領而復縷析條  
分洵可謂猷弼體裁非舊  
志所及也且人物藝文磊  
落英多足為一邦生色紀  
之者尤未可以草、君所

載不濫有所及法乎春秋  
謹嚴務求確實的當良足  
示執範於將來使後之激  
文攷所者得所據依則吾  
身固於教化人心其所留  
貽者嘉固深且遠也且夫  
作志亦綦難矣陳承祚李

延壽負良史材而不能作  
志郊漁仲於遷回八書十  
志猶多所譏評以吾好駢  
浮文不事核實迺知紀載  
之意於其事增文減井、  
且條理談何容易哉君所  
製不愧古人乃知君不獨

優於吏治即謂之有良史  
才亦無不可兮

聖天子聲教覃敷右文稽古  
特命儒臣纂修通考綱領宏太  
義例淵源迥非前古著作  
家夾漈鄱陽所能窺見萬  
一君著書長剪裁文采斐

然存之以備職方採擇蓋  
有合於周禮外史掌四方  
志之意此儒者為治雖常  
簿書鞅掌而彬、文雅庶  
幾弦歌播他不媿言子家  
風其與保吏之當官固大  
有別矣君其益勸於治樞

民隱而培士氣使解人頌  
賢葆之德於弗衰則板之  
前賢如文翁於蜀朱邑於  
相鄉其六可以無愧也夫  
是為序

乾隆二十八年歲次癸未  
中秋後一日學使者長白

景福誥



解州金志序

癸未夏杪余以黃門奉

命視鹺河東抵任以來諸務紛

錯未遑他及茲以

奏報既畢方有志稽郇封之文

獻以資見聞而知州事言君

適以纂脩解屬金志告竣增

解州金志

序

序於余、官鹽無與地方賈

然解安兩城東西相距僅五

十餘里而所駭運當其中賢

守令之治績以聲尔時接耳

目焉豈容漫托不知而徒恬

嘿以為高紉言君纂脩金書

於所治一州所轄四縣各有

分志外以連地重大籍隸  
安不欲輕附渾談於一乘之  
中特立專志以崇要務實為  
稱情得體之勑舉余職司饒  
尤有不得而委謝者夫名城  
巨鎮所在多有願或雉堞稱  
雄而官師不立或佐貳彈壓

而典禮缺如故即民物滋豐  
財賦浩衍不過附州以州統  
屬縣以縣統已耳連之為連  
不然勢拱全晉號為陸海四  
民駢集五方雜處城池倉庫  
具焉祠廟壇壝設焉文武官  
弁師儒學校立焉他若沿革

建置風土習尚典夫宮室廡  
署科日造舉徵解徭役坊市  
守禦之類無不悉備是雖一  
鄉一鎮實與大都省會相等  
埽畫之上國

國家數十萬之儲貯下係秦豫  
億兆姓之日用繁奢衝要莫

此為最專志之脩固其所也  
今觀其書體例精嚴記載質  
實挈領提綱派別支分合之  
既統有宗而會有原散之復  
縷可分而條可析洵可於連  
司鹽法志外允稱信史昭示  
來茲其有闕於風教人心者

大焉余慕是書之周密審慎  
而因思言君之為治也亦略  
見一斑矣今勾吳之家聲既  
舊武城之雅化猶新學道遵  
訓傳及累葉愛人遺風廣被  
四方將見

天子采風而求循良之治方伯

解州全志

序

四

述職而獻報最之書不寧資  
館局之博採而且為

朝廷鳴得人之盛也云爾

乾隆二十八年歲次癸未仲  
冬長至之日僉使者三韓李

質穎撰



解州全志序

志以全名統解屬也統解屬  
而以全志名明乎志兼四邑  
而不得但以解志槩之也解  
州向隸平陽安夏平芮統而  
不轄故州邑舊志各自成書  
雍正初改為直隸四縣始為

解州全志

序

一

專屬管束歸一而志乘自涇  
裁正矣乃數十年來因仍曠  
廢莫為考訂豈輯脩之不易  
抑亦有待而成耶州守言君  
以循吏才來治是邦典章文  
獻尤為加意取一州四縣志  
重編纂焉其志勤其力專其

識鑒卓越於人遠甚嗟乎任  
事之難也簿書而外視非急  
務即有從事纂脩亦不過因  
陋就簡聊為補綴備簡策而  
已何能若君之獨出手眼定  
格例酌體裁以叛為因而成  
斯志哉其書凡六部首州志

四縣之志次第附列而運城  
又別為專志題曰解州全志  
余讀之而深嘆其裁制之精  
與夫命名之當焉夫州以冠  
縣統所尊也縣以附州明所  
隸也專以志運重醴地也全  
以標目概屬邑也經之緯之

錯之綜之析則條分縷判彙  
則璧合珠聯洋洋乎典策之  
美備歎余再司鹺筭五載於  
茲周覽民風悉其醇樸况乎  
時際休明山輝川媚物阜人  
和足勒太平記事之書於以  
潤色

皇猷昭垂軌則而臻化民成俗之  
教也既樂觀其志之全行進  
觀其政之全矣是為序  
乾隆二十九年歲次甲申孟  
春月河東運使吳雲從撰



解州全志序

解州隸河東屬縣四繁簡不齊大  
都號雒治東北當秦蜀孔道府  
傳文檄應給無虛日西南濱大河  
毗連豫省舟車輻互來往雜遝  
且州之南離海在焉商民錯處河  
渠堤堰動必兩利苟治之非人力  
豈焉救過之不暇欲以餘力蒐輯

解州全志

序

志系雒已余自乾隆庚辰歲奉

命監司河東越明年言君以文學後  
裔來守茲土著循聲每行部入其  
境百廢次第興皆井井有條理猶  
以解志久不脩為守土者恥余方善  
其勇於任事適

大中丞明公暨

和公先後接晉整飭官方於各郡

縣志之殘缺者咸令脩纂備掌故而  
解州合志稿于時告成其體例簡  
當考事屬詳必衷諸實大旨要于  
敦教化勵風俗嗚呼是能守學道  
愛人之訓而大異乎俗吏者之為  
之矣余嘗謂事無難易惟在力行  
何如如解一州四縣舊志距今且閱  
百餘年或數十年其間制度之因

革損益與夫民物文教之積而日  
盛者何限曰後一日失紀弗傳前之  
人曰吾有待也後之人曰前之人弗  
成吾無與也夫夫去其一端也而為  
置之若此况于行政之火者邪官  
之所居曰但謂一日任事則一日宜  
盡職也後之人攬斯志也必有去  
者竟成庶幾當官任事毋曠顧

毋推後以仰副我

國家允釐百工之至意則國是民  
生裨益者大矣是為序

時

乾隆二十有八年歲在癸未十一  
月朔旦余守河東兵備兼管水  
利道沈栻書於河東官舍

解州全志

序



三

國家允釐百工之至意則國是民

毋推後以仰副我

解州全志序

直隸州志與府志異府志即取  
散見各屬者以薈萃成編若直  
隸州既有專治可志難以彙縣  
志而提挈綱領然志弗統於全  
則又揆諸體制弗崇解州為古  
名郡自雍正二年陞改直隸州  
專轄四縣幅員五百餘里疆海

解州全志

序

之饒甲全晉

今天子二十有六年如泗奉

命司牧於此越歲壬午

大中丞明公自西陲移節撫晉  
以舊志之漫漶也屬脩輯焉又  
明年癸未

大中丞和公整釐百度且申後  
命如泗弗敢辭爰與郡之寮案

夫公矢慎纂其大略訪州屬之  
碩學重望總理其事紳士博綜  
者副之既竣稿請序乃授梓夫  
以制作示後者類欲雕鏤萬物  
炫異爭奇至於紀事之書要在  
備掌故示來茲蓋惟詞質而體  
嚴斯事增而文減如泗自作吏  
以來有所脩舉間事鉛槧終未

敢以藻績求工矧於全解之志  
乃欲忘其固陋強為撫拾乎如  
泗宦晉有年矣風土山川閱歷  
幾遍即未官其地過輒不忘况  
承乏斯土尤為見聞親切者而  
顧以斯事委任於後來且舊志  
距今遠者百年近者亦不下五  
十年其間沿革異宜人文迭起

不有紀載何以見我

國家典章美備景運昌明之盛也  
所懼援据鮮當體例弗精無以  
紹往而開來故辭無支蔓一歸  
於信卷帙分其地而標目總其  
全先本州後四縣以鹺鎮之重  
於運城更志其專可分可合各  
適其用於府志絕殊而於府屬

州縣志則亦微有區別焉後之  
覽斯志者亦可知身司表率盡  
職維艱而况如泗忝與校讐敢  
弗與纂輯諸君子交相勗勵用  
是撮舉大意略著斯篇而於諸  
縣志之簡端則又不揣蕪陋就  
地指陳間亦竊附已見俾各有  
以考証云爾

乾隆二十八年歲次癸未仲冬  
長至之日解州直隸州知州言  
子七十五世孫如泗撰



解州全志

序



具至之日... 直隸州知州言... 子七十五世孫如泗撰

本州圖

州境全圖

州城圖

州學圖

解梁書院圖

關聖廟圖

關聖祖墓圖

中條山圖

女鹽池圖

靜林寺圖

州境圖

州治圖

試院圖

風聖廟圖

結義園圖

關聖故宅圖

鹽池圖

姚暹渠圖

解州全志

本州圖

州境全圖





解州全志

東垣曲縣界

本州圖


一

開喜縣界




解州全志

州城圖



本州圖

三








解州全志  
州學圖

本州圖

五






試院圖


解州全志

本州圖

六




解州全志  
解梁書院圖



本州圖

七




解州全志  
風聖廟圖




木州圖

八




解州全志  
關聖廟圖



解州全志  
結義園圖



解州全志  
本州圖  
十






關聖祖墓圖

解州全志

本州圖

十一



小松林

不  
松林


老母殿

祠功報

池

解州全志

關聖故宅圖



本州圖

十一




解州全志

本州圖

十三

中條山圖



解州全志

鹽池圖



本州圖


古

十四




解州全志

女躡池圖



本州圖

十五




西禁門

姚暹渠圖


解州全志

本州圖

十六



解州全志  
 静林寺圖



本州圖

七



解州全志

本州圖

六

郡李鴻章畫



殿建碑大

紅臉濟

纂脩

山西解州直隸州知州軍功加一級言如泗  
分脩

山西澤州府同知兼攝直隸解州州判事畢宿燾

直隸解州州判分駐運城能名相

安邑縣知縣呂瀛

夏縣知縣調任聞喜縣李遵唐

署夏縣知縣謝希姚

夏縣知縣西敏

解州全志

本州

署平陸縣今授翼城縣知縣韓夔典

署平陸縣直隸絳州州判李友洙

平陸縣知縣王怡

芮城縣知縣莫溥

直隸解州學正張錫錦

直隸解州訓導鄭振聲

安邑縣教諭史求直

夏縣教諭張樹佳

平陸縣教諭馮文止

芮城縣教諭王執信

安邑縣訓導鄭必揚

夏縣訓導于中鯨

平陸縣訓導張邦達

芮城縣訓導段設

同脩

原任太僕寺少卿前貴州按察使介錫周

吏部驗封司郎中 介玉潮

吳縣知縣 介玉濤

候選直隸州州判 李重福

原吉州學正 李學韓

解州全志 本州

寧武縣教諭 喬壽愷

原祁縣教諭 李若愚

舉人

趙文烜 介必敬 李執信 張廷璠

馬若熊 董之璠 王中

貢生

董志伊 馬詒端 介錫嘏 李一謙

李湧 馬維駟 王養氣 南臨場

雷傳道 馮用恭

校錄

監生

張知勉

生員

王彝棻

介玉澤

李含有

高攀丹

雷雲載

南臨曙

李琅

馬佩珩

介居昆

王士介

王民皞

史佩瑄

督刊

解州吏目候

補主

簿韓極

鹽池司巡檢候補縣丞黃斌

長樂司巡檢孫之震

解州全志

本州

三

聖惠司巡檢侯天佐

沙澗渡巡檢范大椿

陌底渡巡檢徐元

安邑縣典史周永達

夏縣典史朱成樂

平陸縣典史王平貴

芮城縣典史張廷栢

解州舊志歷修姓氏

明

嘉靖四年

林元敘 臨海人知州

呂柟 高陵人判官

周冕 江陰人學正

呂子固 本州人富平教諭

國朝

康熙十二年

陳士性 會稽人知州

解州全志

本州

姚吉人 徐溝人學正

馬淑援 本州人邵武府推官

康熙五十六年

陳時 臨桂人知州

程好生 祁縣人學正

介孝璿 本州人海鹽知縣

李翔鶴 本州人行唐知縣

李瑗 本州人岳陽訓導

王兆璽 本州人歲貢

數疆域遠近廣狹凡舊志未及或未核實者今俱添入改正

一舊志職官人物因安夏二邑爲禹舊都詳列唐虞三代帝臣王佐又因解本晉國舊地後爲魏國并列晉魏諸臣如職官內列臯陶伯益諸人比諸京師官僚豈盡作順天名宦耶至四縣人物本非的確類于牽涉者悉爲釐正

一宦績人物必俟論定現存不錄至節婦惟貞烈殉亡及一門數節並教子成名方爲立傳其餘祇列姓氏

解州全志

凡例

二

一鄉賢名宦各詳宦績人物祠下不再注人物已立傳誌表無庸重錄國史本傳亦不全抄間有其人其文卓絕古今者採輯一二仙釋方技流寓以及舊聞軼事總歸雜志不另分門

一舊志人物分門藝文分體無論文章政事兼擅固難強別且或一家中父子兄弟分門各見前後凌亂勢所不免今悉按世次挨編至藝文亦敘年代不分體類其於地方無涉者概不列入

一志每卷首不引小序卷後亦無論斷恐憑空敷衍徒占篇幅故不復贅

解州全志目錄 本州

卷之一

星野

沿革

疆域 形勝 舖遞附

卷之二

山川 水利 渠堰附

風俗

物產

卷之三

解州全志

卷首

本州 目錄

城池 村堡 坊里 橋梁附

壇廟

公署

卷之四

學校 書院 義學附

田賦 丁徭 雜課 鹽引附

戶口

倉儲

兵防

卷之五

職官

宦績

卷之六

選舉

卷之七

選舉 薦辟

貢生

例仕

例貢

武秩

封磨

卷之八

人物

卷之九

人物

解州全志

卷首

本州目錄

卷之十

列女

卷之十一

古蹟

坊表

寺觀

林墓附

祥異

卷之十二

奏疏

卷之十三

藝文

卷之十四

藝文

卷之十五

藝文

卷之十六

藝文

卷之十七

藝文

卷之十八

雜志

解州全志

卷首

本州目錄

三

卷之十八

藝文

卷之十六

藝文

卷之十六

藝文

卷之十五

星野

左傳遷實沉於大夏主參

國語實沉之墟晉人是居

史記晉之疆占於參伐

漢志魏地觜參之分野也其界自高陵以東盡河東河

內

晉天文志曰自畢十二度至井十五度爲實沈之次於  
辰在申謂之涪灘於律爲仲呂斗建在巳今晉魏分

野

解州全志

卷之一

本州 星野

一

唐書天文志曰觜觿參伐實沈也初畢十度中參七度

終東井十一度自漢之河東上黨太原盡西河之地

古晉魏虞唐耿揚霍冀黎郇與西河戎狄之國西河

之濱所以設險限秦晉故其地上應天闕其南曲之

陰在晉地衆山之陽南曲之陽在秦地衆山之陰陰

陽之氣并故與東井通河東永樂芮城河北縣及河

曲豐勝夏州皆東井之分參伐爲戎索爲武政當河

東盡大夏之墟上黨次居下流與趙魏接爲觜觿之

分

前明清類分野書云自畢七度至井八度爲實沈之分

平陽府參分蒲絳吉關霍解六州皆觜參分

按班氏天文志觜觿參益州其說本於春秋元命苞  
介氏舊志以爲魏分晉地得河內河東數十縣與益  
州渺不相接蒲州府志又力爲之辨謂是觜參益州  
以星爲占且謂益州宜占井鬼而乃占觜參者以梁  
蜀地當西南於魏晉同爲申位故亦得以觜參爲占  
然不如左傳子產之言曰遷實沉於大夏主參之爲  
確實也又晉志以河東入張一度介氏以爲此鶉火  
之次與實沉自別蒲州府志亦謂張爲周星河東近  
接陝洛其星度之鈎帶出入或相及焉要不得謂河  
東兼有張分也則張一度之說又不辨而自明矣

解州全志


卷之一

本州

星野

二

參宿圖



解州全志

卷之一

本州 星野

三

丹元子步天歌

總有七星背相侵兩肩雙足三為心伐有三星足裏深  
 玉井四星右足陰屏星兩扇井南襟軍井四星屏上吟  
 左足下四天廁臨廁下一物天屎沉

占候

參十度上為五星日月中道甘氏曰參為忠良孝謹之  
 子明大則臣忠子孝安吉一曰參伐一曰大辰一曰天  
 市一曰鈇鉞又為天獄又主權衡所以平理也又主邊  
 城為九譯故不欲其動也參白虎之體其中三星橫列  
 三將也東北曰左肩主左將西北曰右肩主右將東南

曰左足主後將軍西南曰右足主偏將軍故黃帝占參  
 應七將中央三小星曰伐天之都尉也又曰七將皆明  
 天下兵精也玉井四星在參西右下水象也屏二星在  
 玉井南屏爲屏風玉井東西四星曰軍井行軍之井也  
 軍井未達將不言渴名取此也又曰主軍營之事天廁  
 四星在屏東溷也天屎一星在廁南色黃則吉

解州全志

卷之一

木州 星野

四

觜宿圖



四星在參西... 天屎一星在廁南... 色黃則吉... 軍井未達將不言渴... 取此也... 又曰主軍營之事... 天廁四星在屏東溷也... 天屎一星在廁南色黃則吉

丹元子步天歌

三星相近作參彙觜上坐旗直指天尊卑之位九相連  
司怪曲立坐旗邊四鴟大近井鉞前

占候

觜二度在參之右角如鼎足形主天之關明大則天下  
安五穀熟隋志云觜觶爲三軍之候行軍之藏府主葆  
旅收歛萬物明則軍儲盈將得勢動而明葆旅起張衡  
云葆旅野生之可食者坐旗九星在司怪西北主別君  
臣尊卑之位明則國有禮司怪四星在井鉞前候天地  
日月星辰禽獸蟲蛇草木之變與天高同占

解州全志

卷之一

本州 星野

五

解州於虞夏時為畿內地實冀州之域周武王封其

第十五弟於州北為郇國

在州北三十五里一名郇瑕杜註河東解縣西

北有郇城

春秋時晉獻公滅魏以其地為解梁城後又以賜大

夫畢萬

左傳惠公許秦河外五城內及解梁即其地也

戰國時屬魏

秦始皇二十二年滅魏為河東郡

西漢初置解縣屬河東郡

河東郡二十四縣解為第四

武帝元封五年分天下為十三部部置刺史各一

解州全志

卷之一

本州

沿革

六

人解縣屬司隸校尉部河東郡

昭帝始元元年改屬并州刺史部新莽天鳳元年

改河東為兆陽郡置州牧部監解縣屬州牧部監

兆陽郡

東漢光武建武元年解縣復屬京師司隸部河東郡

魏少帝正始八年以司隸所部三河宏農並冀州之

平陽合五郡置司州領之解縣屬司州河東郡

晉武帝太康元年分天下為十九州省司隸仍置河

東郡解縣屬之

晉河東郡九縣解為第七

後魏析置安定縣西魏太和元年改曰南解縣隸秦

州河東郡又收綏化郡又曰虞鄉太和元年分臨晉為北解縣

隋為虞鄉縣隸河東郡隸者十縣虞鄉為第九

唐高祖武德二年更名解縣為次畿屬虞州今安縣

置虞鄉縣於蒲解之界即今虞鄉縣

正觀十七年廢虞州以解縣省入虞鄉二十二年

復置解縣隸河中府今蒲州

五代後漢高祖乾祐元年九月始置解州治解縣并

割河中之聞喜安邑二縣來屬之舊志乾祐九月乃隱帝非高祖

宋改為中州解為中縣先屬河東路後收屬陝西永

興軍路置防禦金志宋慶成軍防禦領三縣解中聞喜望安

解州全志 卷之一 本州沿革 七

邑緊

金初置解梁郡軍隸河東南路後廢為上刺史解縣

為倚宣宗正祐二年復陞為節鎮軍名寶昌又為

豐寶興寶二軍因鹽利名興定四年徙治平陸縣

元仍名解州為下州解縣為下縣兼置司候司世祖

至元四年以芮城併入平陸司候併入解梁隸平

陽路

成宗元正初復分置平陸芮城領六縣如金舊總

隸晉寧路總管府

明以解縣入州隸平陽府轄五縣曰安邑夏縣聞喜

平陸芮城

國朝因之雍正元年九月陞改直隸州定爲繁難題  
缺析平陽府之安邑夏縣平陸芮城垣曲來屬之  
七年又析垣曲隸絳州於是領縣四曰安邑夏縣  
平陸芮城編戶三十里

馬氏舊志曰解本渤海去水名其地郇魏諸姬戰  
在國詩春秋解梁爲晉內地子大夫萬至斯乃漫  
大要亦畢公高之餘烈也郡縣已後或析或省而  
從今治而置郡置軍及設防禦節度各從時宜益  
稱巨鎮其仍爲州則自元以來名亦如故揆厥大

解州全志

卷之一

本州沿革

八

勢蓋南臨陝號東襟汾絳西接蒲津誠河東重地  
云

介氏舊志曰古魏本姬姓國鄭元詩譜云在禹貢  
冀州雷首之北析城之西南枕河曲北涉汾水朱  
子註魏詩引鄭譜更補之曰今河中府解州卽其  
地也地理志雷首在蒲坂卽條山之首曰北則在  
其陰也析城在濩澤之西南濩澤在今汾晉間是  
解爲古魏無疑乃或又以爲在平陸縣北則以金  
徙治平陸故或以爲在安邑縣則以魏徙治安邑  
故又曰春秋時解爲解梁臨晉爲桑泉地本密邇

相隣然各瓜分碁置至漢置解縣則合而爲一迄  
魏晉不改西魏太和間始置南解縣析臨晉爲北  
解縣岐而二焉至今兩處所轄地仍有犬牙相入  
者蓋其合也久矣

解州全志

卷之一

一本州

沿革

九

疆域

解州總境

東西廣二百二十五里南北袤一百二十里

東至絳州垣曲縣界二百五里

西至蒲州府虞鄉縣界二十里

南至河南靈寶縣界黃河岸六十里

北至蒲州府猗氏縣界三十里

東南至陝州界黃河岸一百里

西南至閩鄉縣界一百二十里

東北至絳州聞喜縣界一百二十里

解州全志

卷之一

一本州 疆域

十

西北至蒲州府臨晉縣界二十里自州治至

京師一千九百八十五里

安邑縣 東五十五里 夏 縣 東九十五里

平陸縣 東南八十里 芮城縣 西南八十里

解州本境

在山西布政司西南九百三十里

東西廣五十五里南北袤五十里

東至安邑縣界曲村三十里

西至蒲州府虞鄉縣界席張村二十五里至蒲州府

永濟縣治一百二十里

南至芮城縣界橫嶺二十里至黃河六十里

北至蒲州府猗氏縣界曲磬村三十里縣治六十里

東南至平陸縣界三十五里縣治八十里

西南至芮城縣界二十里芮城縣治八十里

東北至安邑縣治五十里

西北至蒲州府臨晉縣界西圪顏村三十里臨晉縣

治七十里

形勝

面石門之嶺背鳴條之崗外則砥柱之險內則鹽池之

饒前人擬為八景曰龍潭春雨曰仙洞桃花曰硝池

解州全志

卷之一

一本州 疆域

十一

烟柳曰石巖噴雪曰靜林晚照曰峩眉繞翠曰橫嶺

分雲曰漢宮檜栢

舖遞附

原額設舖遞六處

總舖 在城

洪昌舖 北至總舖十里  
南至芮城嶺上舖十里

胡村舖 東至總舖十里  
西至席張舖十里

席張舖 東至胡村舖十里  
西至虞鄉石衛舖十里

長樂舖 東至總舖十里  
西至張耿舖十里

張耿舖 東至長樂舖十里  
西至安邑李店舖十里

解州全志卷之二

本州

山川

中條山一名陔山西起蒲州雷首延袤數百里迤邐而東直接太行南跨州之芮城平陸北枕蒲郡虞鄉及州之安邑夏縣至絳州垣曲止巉巖峻拔蟠鬱綿亘隸州境者特蒲絳中權山北一帶耳洞谷林澗因地殊名實一山也

紅臉溝西距虞鄉王官峪二十里爲州西境上有靜林寺寺居山麓古栢森蔽空翠襲人

桃花洞在州西南紅臉溝東十五里昔人十月中行中

解州全志

卷之二

本州 山川

一

條巖下桃花片片遠浮澗水而至緣澗跡之杳然莫窮其際遂名桃花洞

白龍峪在桃花洞東三里

直岔嶺在白龍峪東八里

荻子峪在直岔嶺少東

五龍峪在州南四里荻子峪東州直南五里又東有石巖巖水束峽峽中半崖懸溜如噴雪卽噴雪巖也上

書酒島二字

青龍峪在五龍峪西

石樓峪在青龍峪西

雷首山在五龍峪南五里

橫嶺在五龍峪南絲峪西上十五里乃中條山脊也上有墩蹟北漢防宋巡邏之路橫嶺南爲山之陽跨芮城平陸北爲山之陰跨解州安邑夏縣

筆架嶺在橫嶺之東上有文筆峰乾隆二十七年知州言如泗建以形家言宜發科第築峰以鎮之

弓張溝在橫嶺北

堡子峪在弓張溝東

仙女洞在堡子峪東一名元女洞其中積水成潭又名

黑龍潭

解州全志

卷之二

木州山川

二

大虎峪在仙女洞東十里峪中有將軍堡堡後有鳳凰背背西過連雲棧至橫嶺有陽關寨寨後有膽礮窟

其旁有百藥草

膽礮窟有二俱在橫嶺東

白徑嶺在州東南十五里膽礮窟東一名石門 按舊

志面石門之嶺背鳴條之岡石壁左右參天路通平

陸縣

分雲嶺在白徑嶺東十五里乃中條巔也轟峙雲霄俯

臨鹽澤下有風谷洞形似半井投葉卽飛出其側有

鹽風洞洞口似盆上有天井谷嶺名分雲者以其出

雲東西分布也 王緯鹽池廟記條山之下有風谷

焉每仲夏風應候而至則吹砂石摧林木其聲隆隆

俗謂之鹽南風

山西通志作鹽南風

鹽法志鹽花得此一夕而成

成

天井谷在風洞上四面陡絕一徑透巔舊有風神廟

龍潭洞在州東白家莊由莊南入銅溝八里斗折上東

崖崖間多懸鐵牌以酬雨也洞口形似銀錠裁容一

人石角差呀禱雨者以燭引絙入可數丈折腰越尖

石門漸入漸敞上頂胥石稜水繇石罅散下如春雨

岩間題敕封三島仙姑東面黑龍潭南北五丈東望

渺無際投瓶挈出有水輒雨若燭滅多迷道云

解州全志

卷之二

木州山川

三

紫金山在州北二十里

舊產人參

袁延峨嵎坡逍遙坡此由

橫嶺北連亘而東者也

逍遙坡在州西北二里女鹽池北岸又名逍遙嶺雍正

六年鄉人高周等創建茶亭以休行旅州人李霽記

峨嵎坡在鳴條岡北東自曲沃西抵黃河其陽踰聞喜

夏縣安邑猗氏臨晉虞鄉滎河州北境亦倚坡焉柔

延至東五里卽鹽池北岸

靜林澗在青龍峪西源出中條山巔爾雅所謂沃泉懸

出者也詳見水利

張公泉在靜林澗東三里山谷中遇歲旱命數十老婦

執箕帚劇其泉輒雨

胡村澗在張公泉東五里源出中條山陰

桃花澗在胡村澗東五里源出中條山巔泉流細而緩  
州人從溝引水穿半岩間甃小磚渠以束之曲折周  
於簷下每暮春時桃李漫山松栢蔽壑一派清流瑯  
琤不絕洵佳景也

小水澗在桃花澗東二里源出白龍峪

荻子峪水在小水澗東一里北流入女鹽池

大水澗在白龍峪東三里源出五龍峪噴雪巖南十里  
北流至城南遶城而西會小水澗水入女鹽池水勢

解州全志

卷之二 本州山川

四

洪迅築五龍堰以防之

堡子峪水在大水澗東二里源出中條山北流入鹽池

南溝

解鹽池在州東二里中條山北麓東距安邑縣南十里

延袤五十一里廣七里周總一百十六里近安邑者

爲東池近州者爲西池池內中塲第九舖南對小灣

子爲解安分界名分爲兩實卽一池名曰解池以州

統名也區爲三塲曰中塲曰東塲曰西塲池東西長

而南北狹圍以禁墻啟以三門內設斗級外邏巡兵

盜取私刮皆有厲禁池外諸澗谷水四面奔趨水溢

則鹽不生故歷代皆築隄堰防之詳見運城志

女鹽池在城西北半里許水經注所謂女鹽澤也

爾雅釋女

爲小如女墻女桑之類是也

唐開元中嘗置女鹽監以董西池池

當中條山谷之下流所滫客滂爲多溢則水淡生魚乾則水苦生硝硝本鹽類作味苦澁亦名硝池池在禁垣之外盜取尤易嚴禁撈採且勢較東池爲高山谷水漲姚渠漲溢澎湃吞吐東趨禁垣大爲池患築諸堰以防之詳見運城志

六小池在女鹽池西北四里一曰蘇老一曰巖斜一曰

夾凹一曰永小一曰賈瓦一曰金井池形方長不一

解州全志

卷之二 本州山川

五

最大者水面不過畝餘形如聚星間亦生鹽半爲硝  
鹹開元以後總稱西池同隸女鹽池監宋崇寧元年  
於賈瓦南北圍池修治畦眼拍磨布種得鹽益多後  
多淤沒荒棄不治明隆慶四年復行開墾撈辦萬歷  
間御史汪以時垣金井賈瓦永小三池天啟六年御  
史黃憲卿又於金井南北地中開荒澆曬尋停罷

國朝康熙十九年因大池水患暫開垣西小池澆曬  
以濟鹽課康熙二十五年大池水退將所開畦井填  
塞乾隆二十三年又奉文開曬統計永小池周圍四

百四十八丈金井賈瓦夾凹三池周圍一千五百八

十丈蘇老池南北長三百零八丈熨斗池南北長二百九十七丈嚴禁附近居民私澆私曬掘挖硝版詳見運城志

姚暹渠古名永豐渠按史後魏正始二年都水校尉元清所開引平坑水西入黃河隋大業間都水監姚暹重開民賴其利因號焉源出夏縣巫咸谷西流五里經夏縣南門外又西五十里經安邑下留村苦池水入之又自安邑城北西流六十里經州北境入虞鄉縣境由五姓湖而達永濟孟明橋歸於黃河統計河渠一百二十里在州境者東自莊頭起西至西辛莊

解州全志

卷之二

本州山川

六

新橋止計三十四里五分長五千六百七十二尺河渠兩岸俱有堤堰南堰商修並濬渠底北堰傍堰地主修築唐開元中天水姜師度奉詔鑿無鹽河又名

巫咸河

以灌鹽田剗室廬潰邱墓甚多宋仁宗時轉運

使王博文言解州安邑至白家塲古永豐渠行舟運鹽不勞民自唐末至五代迄今湮沒水甚淺涸舟楫不行詔相度以闡明嘉靖初御史朱實昌重濬戶部尙書劉璣有記其略曰解鹽池每患水敗自有渠以刷諸水則有所歸漚不致侵入鹽池而其利亦資濬

溉國朝屢塞屢濬乾隆十年渠身淤澱商捐濬治

十九年渠又壅滯知州韓桐力請商捐濬治二十六年渠水漲發各商捐銀四萬餘兩復加濬治北堰民修無力甚屬單薄知州言如泗請動公項加高培厚與南堰並峙可資鞏固

涑水河源出絳縣歷聞喜夏縣安邑而入蒲屬猗氏臨晉虞鄉由五姓湖以達黃河州境無之惟是安邑以上河寬水深一入猗氏河身窄淺居民藉以灌溉屢奉疏濬難以通達下流南潰與姚暹渠交漲以致州境近涑之西王侯村諸處地勢低窪時被水患修治原委詳見蒲郡及安夏各志

解州全志

卷之二

本州

山川

七

城北灘受女鹽池水地勢西高東下水溢爲鹽池患故東築永安堰又東築七郎堰以重障之

城東灘內有數泉亦受城北灘以上諸水切近禁墻中築卓刀堰若風雨衝決尤爲鹽池之患

長樂灘在鹽池北七里峨嵋坡陰周二十餘里北受姚暹渠水西南直冲諸堰爲鹽池患有長樂堰以防之東膏腴灘在長樂灘西北數里西爲西膏腴灘又西北十五里爲西辛莊村灘東起賈村西接臨晉諸灘亦時北受姚暹渠水南入女鹽池或入城北灘爲鹽池

患

洗馬灘在西辛莊北二十五里東北爲南扶灘西北爲  
衛諸灘衛諸西北十里爲三樓灘東二十里爲羅叉  
灘又北十五里爲小張塢灘胥屬鹹地不可耕也

城內灘在城西北隅詳見水利  
新河在青龍峪西起石樓峪麓自東迤西洩石樓東來  
諸水俾趨小潮橋以入黃河

金盆水源出中條山趨鹽池南溝東有關氏祖塋一名  
小聖溝水數潰南禁墻有金盆堰防之又東有小五

水龍洞水

二郎峪水三郎峪水胥出中條山陰北流趨禁墻有蠶

解州全志

卷之二

本州山川

房常平西姚三堰以防之

水利附

通濟渠舊志在州城南古引噴雪巖水入城明宏治九

年知州李溥重濬萬歷十六年蒲人修堰壅水道水

不入城二十五年知州賈化醇申請鹽院復舊民甚

便之今淤塞

大水澗會小水澗入女鹽池水勢甚巨築五龍堰以防

之其自城南者入通濟渠穿城過均惠亭溉城中圃

今淤塞

靜林澗源出中條山頂北流經寺東寺僧暨左右居民

傍山半引水溉田引水之法以時刻計名一分水自  
司空表聖定王官引水法後世因之北流經紅臉溝  
入虞鄉洫水灘

黃花峪峪有水可溉田

城內灘在城西北隅匯州中潦水爲池久浸生泉亦生  
鯽魚豐而短味勝別產然水淺則種絕不時有也康  
熙壬午癸未間州人學種蓮蓮輒茂翠蓋綠莖紅白  
相映一片荷香襲人衣裾好事者當二伏時作碧筒  
傳酒爲勝遊之所

渠堰附

解州全志

卷之二

本州山川

九

底張堰在州城西舊以張公泉與靜林澗合水勢洪迅  
築堰以障之俾無入女鹽池

五龍堰在州城南遠而西障護大小澗水入女鹽池最  
爲緊要

姚暹渠堰南堰以護鹽池北堰以護民田向例北堰民  
修南堰商修乾隆二十七年大濬渠身加培兩岸堤  
堰詳見運城志

永安堰在城北灘之東

七郎堰在永安堰之東

卓刀堰在城東逼近禁牆以障城東北二灘

長樂堰在鹽池之北

金盆堰在鹽池之南

蠶房常平西姚三堰所以防二郎峪三郎峪諸水

常家月堰蝦蟆堰胥在西姚村

稍池堰在城西門外

趙家灣堰在州東門外

賀家灣堰在辰鄭莊

短堰在董家莊西

龍王堰在蠶房村西

桑園堰在曲村西

解州全志

卷之二

本州山川

十

黃平堰在州北門外

青龍堰在底張堰之西

按山西通志州境羣山胥中條山也水自大小鹽池

而外雖有溝渠堰壩皆擁護鹽池民田不得灌漑大

約土脉雄厚山多而水少故常憂旱而山峪漲發又

爲鹽池之患備列其名用詳要害而水利渠堰附記

於末以便考訂

風俗

國朝一統志曰民俗剛強質樸務本

前漢書地理志云其民有先王遺教君子深思小人儉

陋

隋志河東土地少沃多瘠是以傷於儉嗇其俗剛強亦

風氣使然

輿地志曰河東魏晉以降文學盛興閭里之間習於法

程大抵勤儉禹德所型憂思唐風之遺士大夫重廉

恥謹禮法質直無譎險百姓朴淳畏公盡力南畝四

鄉婦女織紉亦勤

解州全志

卷之二

本州風俗

十一

朱子曰其地磽瘠人民樸陋有古風焉

明一統志曰解梁境接古虞芮之國其民質朴力耕而

習俗崇禮讓之風

黃氏詩話魏晉以聖人所都故淫奔之俗不聞聖人之

化入人深如此也

房希文學記向善而服勤守儉而知禮

祝氏志曰務耕織尚節儉游惰好訟婚娶論財

呂氏志曰州俗勤事耕織者多淳良質樸恥言人過其

務未技游食衙門者輒好巧詐爭訟若小民婚嫁則

頗論財是其習尚

馬氏志曰解俗奉上急公竭力先完正供士夫敬謹尚  
廉節恥投刺干謁曾無撓長吏權者稱淳厚易治近  
趨驕奢市井尤甚漫無所制遂至不遜豈非極則返  
敝乃承乎

介氏志曰解爲唐魏地有聖賢遺風而移徙變易則後  
世爲之也

按州境南逼條山一片砂磧北跨兩池尤多斥鹵民  
間專務耕讀雖密邇鹽塲不趨鹽利地瘠狹民貧朴  
轉不及州屬四邑之稍裕蓋藏也惟士夫敦尚氣節  
文律謹守先民收斯土者尙其留心教養表率金郡

解州全志

卷之二

本州風俗

七

庶有濟乎

物產

鹽

生大池並六小池惟大池者佳餘不及也

朴硝

生鹽鹵地朴者本體未化之意出硝池

蒲黃

鹽澤有之春初發白茸漸成柄鮮潔甘脆爲蒲筍作菜佳夏初發葉成叢夏半抽梗中起花抱莖稍名曰蒲釐似蠟燭俗名蒲蠟屑綴花中似畫家金粉

太陰鉉精石

解州全志

卷之二

本州物產

三

產鹽池古云大鹵之場則生陰精石是也一名鬼精一名龜背石

青礫石

爲青黑剖之中有白點者佳出靜林寺東山

花蕊石

本黃石中有淡白點如花故名出靜林寺東山澗

蓮藕

出城內西北隅灘花時爛熳州人採以供饌

鯽魚

出硝池內今絕惟城西北隅蓮池內有之

黃絲

俗名繭子婦女勤者飼蠶作繭取絲成絹朴素無花  
六月二十三日關廟會中貿鬻成市

解州全志

卷之二

本州物產

十四

六月二十三日關廟會中貿鬻成市

俗名繭子婦女勤者飼蠶作繭取絲成絹朴素無花

解州全志卷之三

本州

城池

州城周圍九里十三步四門東曰長樂西曰崇寧南曰鎮山北曰永安一云創自前元一云明洪武初築按解自隋大業九年自解梁城徙治於此始建五代漢改州宋爲防禦金爲軍元至正間監郡事者重修明洪武初展築景泰間知州張輅再修成化宏治間知州張寧李溥加修正德間知州李文敏大修高六丈厚三丈五尺池濶十丈深二丈五尺四門各建城樓

解州全志

卷之三

本州

城池

一

州王惟寧輓甃堦口天啟末知州徐文煒建城上鋪舍後傾廢 國朝乾隆十二年知州韓桐因民樂輸

詳請修築凡四關門洞譙樓係四關民修土身甃堦係四鄉分段民修每年正月點充鄉約新舊交代隨

時補葺城上刻石爲界詳見韓牧修城記乾隆二十年知州言如泗重修北城并門洞甃甃 按馬氏

舊志曰解城寥濶多曠野居民不當堦口者十之二卽高深足據尙難與守矧累土卑薄其北隅逼近

池鹹鹵易剝修築無虛日其何恃以無恐然則歲修

之法守土者勿視爲具文可耳

坊里附

在城四坊舊名

東禮賢坊

西崇寧坊

南鎮山坊

北泰康坊

新編城鄉坊里總名

舊本四坊二十六里順治初州守胡向明定爲二坊十四里

孝順坊

下凹莊 一半

鄭費車盤 一半

薛車盤

西膏腴 一半

南營村 一半

席張鎮 一半

解州全志

卷之三

本州城池

二

東十里舖 一半

友于坊

社東村 一半

邱家坡 一半

砂窩村 一半

鄭費車盤 一半

下凹莊 一半

北膏腴

寺下村 侯村 一半

曲村

蠶房村 柳馬村

胡家嶺

常平村 一半

媼敦里

東西安頭村 三婁村

小張村 一半

西王村 一半

社西村

西辛莊 一半

永喜莊

郭家村

下堡頭

睦雍里

底張村

一半

南賈村

一半

北賈村

喬家莊

東胡村

南營村

一半

許賈村

任重里

西馬村

一半

衛諸村

一半

美玉村

一半

萬家莊

一半

恤隣里

社東村

一半

莊頭村

一半

東辛莊

一半

解州全志

卷之三

本州 城池

三

王南村

一半

贖馬村

一半

羊村

一半

下堡頭

一半

杜府村

知覺里

南扶村

衛唐村

大張村

一半

贖馬村

一半

小曲村

王吞村

一半

南莊村

一半

袁家莊

一半

仁美里

中凹莊

上義莊

三家莊

長樂村

龍居村

常平村

一半

辰家莊

董家莊

下張耿

一半

東十里舖一

東龍居

禮賢坊附

聖化里

崇寧坊一

美玉村一

南莊村一

贖馬村一

大張村一

袁家莊一

義勝里

崇寧坊一

泰康坊

砂窩村一

東膏腴

羅又村一

東曲礮

西曲礮

北曲礮

赤社村一

忠恕里

橋頭村

美玉村一

王南村一

解州全志

卷之三

本州 城池

四

長江府

羅又村一

西袁村

大張村一

南花村

東張耿一

趙村

和樂里

東張耿一

西張耿

下張耿一

麻村一

西膏腴一

調一里

鎮山坊附

馬車盤

赤社村一

馬李莊

小張塢

贖馬村一

南莊村一

王吞村一

袁家莊一

麻村 一半  
東辛莊 一半  
羊村 一半

莊頭村 一半

調二里

二十里舖  
雷家坡  
杜家坡

趙村  
王馬村  
郊斜村

底張村 一半  
南賈村 一半  
席張鎮 一半

調三里

西辛莊 一半  
西王村 一半  
張鎖村

邱家坡 一半  
小張村 一半

調四里

解州全志 卷之三 本州 城池 五

西膏腴 一半  
赤社村 一半  
大井村

侯村 一半

橋梁附

通利橋在西門外二里跨大水澗土人名石橋路通蒲

陝古有石板明宏治十六年州人侯俊閣清改鑿大

石橋今為砂壓

西門橋在城西門外今廢

南門橋在南門外康熙間建

金井橋在城西北十六里土人名侯村橋

鳳尾橋在城西十五里賈村鳳尾堰後廢

郇瑕橋在城北十五里近郇瑕舊城土人名羅叉橋迤

東有鸞橋麻村橋俱跨姚暹渠

涑水橋在城西北三十里三樓村接虞鄉坑頭鎮

龍居橋在城東北十五里明萬歷十六年建 國朝雍

正四年分司王又樸乾隆四年分司鄧釗二十五葦

州守張鎮疊修

解州全志

卷之三

木州 城池

六



散治聖廟叠修

五四平公同王又舜算劉四平公同慶隆二十五年

嘉慶初年知東井十五里即萬歷十六年

鄭水湖亦知西井十五里三對沐村與陳莊同

東商嶽蘇和棧湖趙相救災築堤

壇廟

先農壇

在州東門外雍正五年奉文建立

社稷壇

在州西門外關廟西南 零壇附祭乾隆二十八

年知州言如泗修

風雲雷雨山川城隍壇

在州西門外關廟西南乾隆二十八年知州言如

泗移建

城隍廟

解州全志

卷之三

本州 壇廟

七

在州治崇寧坊街北建自五代漢乾祐間明正德  
五年知州李惟聰修尙書洪洞韓文記嘉靖間州  
守徐祚重修州人邱東魯記旋以地震圯州守趙

鳳文緒再葺州人李瑤記萬歷二十一年州守王道

正修自爲記萬歷庚戌鄉民侯肯收胡彥威等重

修州人李士英記 國朝順治間霖雨頽廢州守

呂兆璜修州守陳士性記康熙二十年州守萬象

重修自爲記雍正間州守孔傳忠許日熾童紱相

繼修許自爲記統計大門五楹儀門三楹樂樓三

楹正殿三楹前爲獻殿後爲寢宮東西兩廊各十

八楹地藏三曹縣屬城隍以次配列

八蜡廟

在州東門外

厲壇

在州北門外二里

五龍廟

在州南中條山麓五龍峪左

二月二日分雨澤於此

宋淳化

三年知州田紹斌張珣修金天會八年知州郭企

忠大定十年同知耶律德元太和六年知州田特

秀元至正三年郡人治中薛信皆重修明宣德間

解州全志

卷之三

本州壇廟

八

知州戚寧重修正德七年知州李文敏增修又城

內龍王廟乾隆二十九年知州言如泗創建自記

文昌祠

在儒學東正殿三楹二門三楹乾隆二十七年知

州言如泗創建命歲貢董伊志等督工并自為記

文昌閣

在城上東南隅康熙庚子重建閣凡二層乾隆二

十七年知州言如泗增為三層

火星廟

在州治南鎮山坊

后土廟

在州南五里中條山麓又城西北二十里大井村  
有廟創建未詳宋至道元年縣令李煥修郡人李  
文質記明嘉靖九年里人重修王玉瓚記

成寶公廟

在分雲嶺神戶鹽澤宋景德間建范克允記

風聖廟

舊在州東五里條山之陰後圯基址古栢尚存明  
嘉靖丙寅州守呂文南卽東郊八蜡廟遺址重建  
州人侯居良記

解州全志

卷之三

本州 壇廟

九

舜廟

在州東北三十里趙村

三聖廟

在趙村辛化里祀堯舜禹三聖 國朝康熙五十年  
七年村人重修河東鹽運使郭正記

張公祠

祀漢博望侯張騫在州西十五里底張村

關聖廟

在城西門外百步南面條山北負硝池創自陳隋  
宋大中祥符間重建元祐七年知州張杲之修縣

尉鄭咸記金世宗大定三年管軍范公重修郡人  
南濤記泰和四年重修知州田特秀記元泰定元  
年重修學士王緯記至正二十五年郡人蔡榮等  
重修陳嘯記明洪熙元年重修李永常記成化十  
四年知州張寧重修周洪謨記正德五年知州李  
文敏重修尙書韓文記嘉靖間巡按王秀重修巡  
鹽御史朱實昌記知州孔天敘重修御史王忬記  
知州解情重修樂樓都憲唐順之記知州樊問仁  
重修郡郎中邱東魯記三十七年地震廟毀知州  
王維寧重建大學士張四維記隆慶間重修午門

解州全志

卷之三

水州 壇廟

十

安邑僉憲胡志夔記重修樂樓州進士李瑤記萬  
歷間建麟經閣郡少卿孫維清記十八年勅解州  
廟額英烈三十六年重修郡人太僕寺卿王明記  
王建中亦有記次年京山李維正又爲記三十八  
年勅修有記 國朝康熙四年陝撫曲沃賈漢復  
重修郡翰林學士喬廷桂記三十七年五月  
御書義炳乾坤匾額敬懸殿內四十一年壬午四月朔  
二日巳時廟災至午刻焚燬無餘四十二年

聖祖西巡臨解發帑金一千兩重修越五十二年壬辰

知州海寧祝增遵復舊制郡人翰林檢討介孝琰

恭紀雍正十二年

果親王謁廟指寫聖像敬留詩章聯額乾隆十八年  
知州韓桐大加修葺知州言如泗記二十七年知  
州言如泗改八卦樓爲

御書樓又改麟經閣前樓爲刀印兩樓釐正匾額修理  
東西大坊廟南改建結義園功德祠又於廟西大  
路北建立關夫子故里碑亭皆自爲記統計廟制  
前大坊一曰萬古綱常南峙甌門門外琉璃甃壁  
坊東西鐘鼓兩樓又東爲義壯乾坤坊西爲威震  
華夏坊中爲大門凡五楹旁啟門二曰文經曰武  
緯門後卽樂樓也凡三楹又進爲午門凡五楹左  
右坊二曰丹誠貫日曰正氣參天又進爲山海鍾  
靈坊爲御書樓上下凡五楹又進爲崇寧殿周檐  
石楹胥刻螭龍凡二十有六東爲官廳西爲官庫  
其東偏則果親王碑亭在焉殿後爲寢宮凡五楹  
東西配廂各三楹又後爲氣肅千秋坊麟經閣上  
下凡九楹東西夾刀印兩樓閣後卽厚載門也長  
垣繚之東西廊各九十五楹壁繪聖跡規制宏麗  
實甲天下云

解州全志

卷之三

本州 壇廟

十一

關廟崇聖祠

在關廟東掖門內壬午廟災祠亦燬康熙五十二年壬辰重建雍正五年

追封關聖三代爲公光昭公裕昌公成忠公郡縣胥立廟春秋二

仲祀以少牢

關廟部將祠

在廟東大門外舊祀部將周倉趙累王甫三人乾隆二十八年知州言如泗建議周倉廖化配立午門兩旁祠內增入功曹楊儀仍爲部將祠西有追風伯祠卽赤兔馬云

關廟祀典

解州全志

卷之三

本州

壇廟

三

解州廟祭以四月八日九月十三日爲祀期明弘

治三年郡人蒲昭奏准春秋二祭用庚日如上戊

上丁例備物攝祭嘉靖間定每歲五月十三日爲

關聖生辰遣官致祭 國朝順治元年定每歲五

月十三日祭九年

勅封忠義神武關聖大帝以四月初八日五月十三日

六月二十二日俱以大牢祀雍正五年太常寺覆

准如中祀制每年除五月十三日前殿照常祭祀

其春秋二仲月庚日照 文廟例以知州主祭行

三跪九叩首禮郡縣胥歲三祀惟解廟四月初八

日六月二十二日并增九月十三日有司照舊致

祭

關廟志

關聖志創自有元胡琦至明呂柟趙欽湯 國朝  
張鵬翮代有纂輯乾隆二十一年知州張鎮同邑  
紳介玉濤喬壽愷重修板藏廟庫

關廟結義園

在關廟南舊爲蓮華池明萬歷間知州張起龍濬  
池栽蓮建亭三楹州同張九州記 國朝知州張  
鎮重修乾隆二十七年知州言如泗更建三義閣

解州全志

卷之三

本州 壇廟

三

薰風亭穿渠引水疊石成山廣栽竹樹蔚然深秀  
門外有坊亭以翼之改額結義園刻石爲圖供閣  
中自爲記

關廟功德祠

在關廟南結義園之左乾隆二十七年知州言如  
泗建祀歷代有功於關廟者職官自宋張杲之以  
下凡二十五人郡人自趙標以下凡十七人春秋  
二仲於廟祭後撤饌以奠焉 門設茶亭以便行旅  
知州言如泗自爲記

常平關聖廟

在州東二十里下馮村相傳爲關聖故宅距關聖

祖塋里許廟中有塔屹立明嘉靖三十四年知州

事前御史徐祚重修有記嘉靖四十四年知州陳

秉正修李瑤記是年署事州同賈永康申請鹽院

胡鑰議動香需辦祭

每清明節一在墳墓  
一在本廟歲以爲例

隆慶二  
年知州呂文南重修鄞縣毛爲光記萬歷二十一

年知州魏養蒙重修自爲記萬歷四十五年鹽院

王遠宜重修自爲記 國朝康熙十二年鹽院何

元英暨知州陳士性重修有記二十八年巡鹽御

史郝惟謙修自爲記乾隆二十八年知州言如泗

於寢宮後重建祖廟五楹大門三楹崇祀始祖龍

解州全志

卷之三

本州壇廟

十四

逢公暨

勅封三代光昭公裕昌公成忠公西首舊祠改爲官廳

自爲記

三結義廟

在州治東北禮賢坊街東明萬歷二十四年鄉耆

譚應春等重修郡御史王明記天啟三年鄉耆譚

豸等重修郡人鄭國俊記

張桓侯廟

在州東北二十里龍居村明嘉靖二十七年建郡

人王守春介一清邱東魯記三十年晉陽親藩號

松柏主人資金詣廟侯先示奠於鄉人詳見學正

鄭國珍記

二忠祠

在龍居村祀關聖張桓侯明洪武初郡人王德捐地建嘉靖四年德孫守春增修呂涇野題額并記

柳呂二公祠

在州治北卽廣慈寺廢址今移州衙門南原北面

祀唐柳宗元明呂柟府同知許棧記

賢守祠

在保釐坊東

祀魏公養蒙徐公文煒鄒公蘊賢呂公兆璜韓公應恒韓公桐

解州全志

卷之三

本州壇廟

五

按介氏舊志云魏徐鄒三公舊有專祠歲久圯廢

州守江闔改建於保釐坊東西向更額曰賢守祠

增入呂韓二公後有良牧例得附入乾隆二十七

年州守言如泗增入前守武安韓公

忠義孝弟祠

在學署東雍正五年奉文建立

節孝祠

在學署西雍正五年奉文建立乾隆二十七年知

州言如泗重修

公署

提督學政行署

在州學東卽西分司舊署址雍正三年州改直隸知州許日熾童綬先後督率紳士捐建凡爲正堂爲川堂爲寢爲軒爲書室爲庖廚堂前東西號舍茶房班房又前爲儀門爲大門爲官廳轅門鼓亭罔不具備郡人馬允邵記乾隆十年知州彭洙又加修葺郡人太僕少卿介錫周記乾隆十三年知州韓桐又建半舫齋學院德保記先是考棚在安邑許童兩守創建州城試院學院按臨安邑諸生援例請仍其舊嗣經

解州全志

卷之三

本州公署

六

彭守詳請上憲建議安邑分棚係屬下邑該州請於州城另立考棚體制甚合安邑士民不得互相爭執議遂定自後歲科兩試皆在解州而蒲屬就近閱亦附焉

州署

在城鎮山坊字民街北南面隋大業九年自解梁城移此五代漢始置解州治於解縣之舊治遷解縣於州北後廢修不常無考元至正三年重修學正郭從周記明洪武四年知州洪範八年知州魯執中陸續增修成化間知州張寧重修成化末知州張鉞始建

後堂宏治九年知州李溥匾曰梅花堂十年建儀門  
三楹十一年知州程觀重建治廳五楹儀門幕宇吏  
舍皆拓其址蒲州楊瑩記十五年知州趙忠重修改  
六房吏舍在儀門內東西分列 國朝康熙元年知  
州呂兆璜重修自爲記又於署中建樓五楹學士喬  
廷桂記五十六年知州陳時重建鐘鼓樓文明門保  
釐坊有記乾隆二十年知州張鎮重修衙署建東槐  
樹亭三間又以後宅低窪培土築基高二丈纒以崇  
垣改建後堂五楹署後形勢始振乾隆二十六年知  
州言如泗合署內外更加修治大門外環以木柵啟  
二門東曰六城保障西曰兩海屏藩增築坊基重建  
保釐坊往來車馬皆從坊外經行又修建文明門署  
前規模益壯統計衙署前後正屋凡七層兩廊吏舍  
凡十六楹東爲蕭曹廟廟左爲官廳州庫在大堂西  
監獄在儀門內署東爲來鶴軒前後三層共計九楹  
又東爲槐樹亭三楹署西爲幕宇凡三層共計九楹  
又西爲蔬圃卽潺湲亭舊址中爲馬王廟廚房在川  
堂之東轉左卽爲後圃有土地廟

吏目署

在州治儀門內西乾隆二十八年知州言如泗督率

吏目韓極重修增建二堂後堂各三楹左右廂房各三楹

西塲鹽大使署

在州治東卽州判舊署乾隆二十七年由運城移駐

長樂巡檢司

舊在州城東北十里鹽池北姚家莊康熙八年移建

中村

鹽池巡檢司

在州城東南二十里蠶房村東南

駐防外委千總署

解州全志

卷之三

本州公署

六

在州治東

僧正司

在州治西北興福寺

道正司

在崇寧宮西首乾隆二十八年重修

按舊志有女鹽監在州治西南解鹽使司在州滄西

馬驛在善利坊稅課局在州治西北司候司在崇寧

坊鹽運分司舊署在儒學左明成化二十二年知州

張華建運判袁翺記後裁址存今改學政行署至鹽

運舊司在城內崇寧坊鹽塲舊址在鎮山坊察院舊

署在禮賢坊街北布政分司署在州治南府公館在  
州治東內有轉運使高昌間閭公惠政碑又有府廳  
公館在州治東陰陽學在州治南醫學在鎮山坊今  
俱廢

倉舍共十座計四十間

常平倉

在州署西五座署東一座

社倉

附大倉

義倉

解州全志

卷之三

本州

公署

九

亦附大倉

養濟院

在禮賢坊街東今移建東關外如意菴右首正房廂  
房共計十六間額設孤貧十九名乾隆二十七年知  
州言如泗增額外孤貧十一名照例優恤

倉舍共十座計四十間

解州全志卷之四

本州

學校

州學爲大學額設學正訓導各一員廩生三十名增生三十名附生無定額歲科兩試入學二十名儒學在州治東禮賢坊東南金大定二十八年知州李愈修劉制記元元統元年知州耿允囂重修拔思溥化記明洪武四年知州洪範十六年州判余尹瞻繼葺正統六年知州吳惠重新學正薛良記成化間知州張寧改建明倫堂號舍宏治十年知州李溥改建學門於文廟西正德四年知州李昆重修大成殿櫺星門

解州全志

卷之四

本州

學校

一

六年知州李文敏增葺戶部尙書洪洞韓文記十四年知州朱璟再修礮石爲欄干環月臺明德止善知止三齋亦皆重修州判呂禔記嘉靖三年知州林元敘重修知州解情又遷學於廟西隙地關西馬理記三十四年地震圮三十六年知州王維寧重建知州魏養蒙張汝雨陳堯言重修安世鳳記崇正初知州徐文燁次第營繕郡人侯加采記 國朝順治十三年知州鄒蘊賢拓修郡人喬廷桂記康熙三十九年學正馬元愷復修明倫堂郡人馬淑援修尊經閣介

孝璿記五十四年知州陳時重修大成殿及名宦鄉

賢等祠續立學舍三楹雍正三年學正高振訓導巨  
晉程重修明倫堂乾隆十四年學正張廷瑛重修二  
十七八兩年知州言如泗建文昌祠於學左移節孝  
祠於學右文廟儒學重加修整司鐸張錫錦鄭振聲  
邑紳董伊志張知勉等實董厥役統計大成殿五楹  
兩廡各五楹戟門三楹左右爲名宦鄉賢二祠前爲  
泮池又前爲櫺星門又前爲照牆啟左右柵門二左  
曰嵯海騰蛟右曰條山起鳳西爲明倫堂兩旁學舍  
六楹東南爲射圃又東爲尊經閣堂之前爲二門又  
前爲大門面拱條山蔚然深秀

解州全志

卷之四

本州學校

二

崇聖祠在文廟東歲久圯康熙五十五年知州陳時重  
修雍正元年追封五代俱王爵合祀其中改啟聖爲  
今額

名宦祠在戟門外左南向後重修西向

鄉賢祠舊在學倉前明嘉靖初知州林元敘毀廣慈寺  
作祠祀本州及屬縣鄉賢州判呂稱有序并傳後廢  
移建戟門外右南向後改東向祀本州鄉賢

學正宅在明倫堂後

訓導宅在儒學門左

學田親自栢鄉張氏計地三百畝歲久佃者多乾沒署

學正辛思齊白州守熊萬騰按畝釐定始復之額外  
益田一頃五畝零今不可考

學倉在號舍之東北

社學二一在承流門內路北一在養濟院北今廢址存  
裕齋書院在州西北四十三里張村元隱士岐裕齋建  
後廢

見山精舍在西分司東正德中運判楊士魁建名五經  
館今廢址存

解梁書院舊在州治北卽舊廣慈寺明嘉靖初知州林  
元敘及州判呂柟撤寺改爲書院後廢 國朝乾隆

解州全志

卷之四

本州 學校

三

十七年知州韓桐倡率合州捐置城內崇寧坊張氏

舊園改建書院園之西講堂五楹中置過亭北有審

房東西肄業房各十六楹廚廡蔬圃咸備其東院南

北兩廳仍園之舊中建宜亭又東爲半舫居疊山修

池以增其勝轉角亭後東北房五間又創文昌魁星

二閣東西遙峙門樓上下三楹始於辛未初夏落成

於壬申季冬共計正房七座學舍廂房十座爲屋六

十間費一千五百餘金自爲記勒石院中又合州公

捐書院膏火生息銀一千五百兩交商營運稍助修

脯又鄉民雷潛捐典墟地四十四畝一分一釐價銀

四百三十八兩每年收租銀四十四兩一錢一分乾隆二十八年知州言如泗又找還原主張麟趾地價六十九兩二錢六分五釐未作書院業產但州屬六學肄業日增經費不敷尙煩補苴云

解州全志

卷之四

本州 學校

四

解州並屬安夏平芮四縣田賦總數

民田屯田平坡砂新墾各色共地二十萬三千三百七十二頃五十七畝七分一釐四毫七絲六微六纖六沙三塵六渺七埃

共征糧一十四萬六千三百一十六石九斗四升三合九勺四抄五撮六圭九粒四粟

共征地丁並辦買本色顏料以及酒課商稅共銀二十萬九千九百六十五兩三錢五分二釐六毫一絲五忽九微七纖二塵五渺二埃

解州全志

卷之四

本州田賦

五

起運銀一十九萬六千三百七十八兩九錢六分八釐二毫七絲二忽二微六纖四沙二塵四渺一埃  
存留銀一萬三千五百八十六兩三錢八分四釐三毫四絲三忽七微六沙一渺一埃

本州田賦數

民田原額水平坡砂共熟地二千八百六頃六十畝六分三釐零微糧一萬九千五百二十九石八斗三升零微折色加增絲絹地畝九釐驛站共銀二萬一千三百二十六兩四分二釐零

康熙十六年清查山隱漏額外無糧民田共地五

頃八十三畝五分三釐零徵糧二十一石六斗三升零徵折色銀二十六兩七分六釐零

雍正六七年民人首墾額外民田共地三十九頃五十七畝五分七釐徵糧一百四十六石四斗二升六合零徵折色銀一百七十六兩五錢七分三釐零

雍正十年起至十二年止民人開墾額外民田旱砂共地三頃六十五畝五分徵糧一十三石五斗二升三合零徵折色銀一十六兩三錢七釐零

乾隆十七年民人開墾額外民田共水平地寸畝徵糧七斗九升八合零

解州全志

卷之四

本州田賦

六

屯田原額共地一十一頃二十畝徵糧五十七石七畝折色銀四十五兩六錢

以上民田屯田實在熟地二千八百六十六頃九十七畝二分三釐二毫三絲七忽徵糧一萬九千七百六十九石二斗一升零共徵折色并加增絲綿

等項銀二萬一千五百九十兩六錢三毫七絲三

忽六微七纖八沙四塵零

乾隆二十七年題免姚暹渠估挖民地四十

四畝三分八釐二毫四絲糧銀三兩一錢八分零

丁徭

民丁額數共一萬二千七百九十九丁共實徵均徭地差銀六千三百七十五兩六錢二分九釐七毫七絲一忽七微一纖二沙均按糧派徵

又康熙五十年審編至乾隆二十六年審編遵奉

恩詔永不加賦續生人三百三十四丁開除二百二十五丁實在七十九丁

雜課

額外商稅銀五十二兩七錢五分八釐

酒課銀二十兩

匠價銀十兩八錢攤入地糧徵收

解州全志

卷之四

本州田賦

七

田房契稅正銀五兩三錢二分七釐二分七釐七毫  
盈餘係活數

頭畜猪羊烟稅正額銀一十八兩一錢六分八毫  
盈餘

係活數

牙帖稅銀二十八兩二錢

當稅銀十五兩

額外織造綾絹加徵工費銀一十九兩三錢五分

共徵地丁並採買本色顏料以及酒課商稅共銀二萬八千七十一兩九錢四分五釐四毫八忽五纖

六沙三塵九沙六埃三漠

起運銀二萬六千五百三兩三錢四分八釐二毫三絲七忽六微七纖三沙一塵二渺一埃八漠

存留銀一千五百六十八兩五錢九分七釐一毫七絲三微八纖三沙二塵七渺四埃五漠

鹽引附

本州額引三千四百道歷年俱不招商行銷虛貯在  
庫俟奏銷時搨扒截角雍正七年覆准解州額引  
仍歸原處募商領辦倘有未銷餘引於奏銷時聲  
明隨冊繳部查核

戶口

解州並屬安夏平芮四縣戶口總數

定例五年編查一次乾隆二十九年分統計十萬七  
百八十戶五十三萬八千七百九十四名口

本州戶口數

本城四坊共一千三百二十六戶共六千六百三十  
五名口

正東路二十村共二千零十戶共一萬二千二百零  
五名口

東北路二十村共二千零六十戶共一萬二千七百  
解州全志

卷之四 本州 戶口

九

二十二名口

正北路一十七村共一千九百二十八戶共一萬七  
百八十二名口

西北路一十四村共二千一百六十五戶共一萬二  
千三百九十三名口

正西路一十五村共二千七百七十六戶共一萬五  
千零六十一名口

正南路七村共九百三十八戶共四千九百一十三名口  
以上共一萬三千二百零三戶共七萬四千七百一

十一名口

倉儲

解州並屬安夏平芮四縣倉儲總數

解州常社義三項共谷二萬七千八百二十一石零

安邑縣常社義三項共谷三萬四千八百六十一石

零

夏縣常社義三項共谷二萬四千六百八十三石零

平陸縣常社義三項共谷一萬八千一百三十三石零

芮城縣常社義三項共谷一萬六千八百八十五石

零

統共州屬倉谷十二萬二千三百五十三石零

解州全志

卷之四

本州倉儲

十

本州倉儲數

常平穀一萬五千六百五十四石又新增額穀五千

二百三十石零

社穀無定額現貯穀六千三百二十九石零

義穀無定額現貯穀六百八十石零

兵防

金為解梁郡軍貞祐三年升寶昌軍節度轄平陸鎮

一 張店 夏鎮 一 曹張 聞喜鎮 二 東鎮 劉莊

國朝雍正八年設立蒲州協駐防解州外委千總一

員城守步戰兵十名乾隆十五年奉 部添設城

守步戰兵十名又在州署東建蓋營房二十間

演武場在西門外演武廳三楹後房五楹乾隆二十

八年知州言如泗另建演武廳於南首以馬路逼

促重加展拓騎射稱便舊廳仍存為憇息公所

武事

解州全志

卷之四 本州 兵防

十一

春秋僖公二十四年秦伯納公子重耳濟河圍令狐

入桑泉取臼衰 杜預註桑泉在河東解縣西解縣東南有臼城

周赧王二十一年秦敗魏師於解

漢鄧禹自箕關入圍安邑數月未下更始大將軍樊

參將數萬人度太陽欲攻禹禹遣諸將逆擊於解

南大破之斬參首

晉義熙十三年二月建威將軍河北太守薛帛據解

縣晉建武將軍沈林子自襄邑堡馳襲之帛棄軍

奔河東林子收其兵糧 是晉軍越中條山也

梁河中節度使朱友謙附晉命感化軍節度使康懷

英討之與晉人戰白徑嶺懷英大敗

金元光二年五月甲子徙權平陽公史詠兵於解州  
河中府天興二年十一月河解元帥趙偉自金鷄  
堡攻解州不能下

貞祐二年宣差都提控從坦言絳解河中必爭之  
地惟令寶昌軍節度從宜規畫鹽池之利以實二  
州則民受其利兵可以強矣又言平陸產銀鐵若  
以鹽易米募工鍊冶可以廣財用備戎器小民傭  
力爲食亦可以息盜興定二年六月丙辰遣監察  
御史粘割梭失往河中絳解等郡同守土官商度  
解州全志

卷之四

本州


兵防

十二

可保城池元光元年五月京兆行省完顏合達奏  
言河南陝西調度仰給解鹽今正漉鹽之時而敵  
擾之將失其利乞速濟師又言鹽利今方敵兵迫  
境不厚以分人孰肯冒險而取之若自輸運者十  
與其八則人爭赴以濟國用從之二年七月乙巳  
遣兵守衛解州鹽池

元至正二年六月回回刺理五百餘人渡河寇掠解

吉陽等州



虞山言素園先生小象

言氏家藏本

庚午夏宜興任鳳苞謹題



言如泗翁園史昭文縣人

先賢言子七十五世裔孫由恩貢生充官學教習  
 選授山西垣曲縣調聞喜縣歷任保德州解州  
 湖北襄陽府護安襄鄖道在籍四十年有子  
 四孫十二曾孫七嘉慶十一年現年九十一歲



